

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

DEC 18 1961

10

鄭峯真隱漫錄卷第四十六

哈佛大學漢和
圖書館珍藏印

大曲

花舞

兩人對廳立自勾念

伏以騷賦九章靈草喻如君子詩人十詠奇花
命以佳名因其有香尊之為客欲知標格請觀
一字之褒爰藉品題遂作羣英之冠適當麗景
用集仙姿玉質輕盈共慶一時之會金樽激灑
式均四座之歡女伴相將折花入隊

念了後行吹折花三臺舞取花瓶又舞
上對客放瓶念牡丹花詩會全對
花是牡丹推上首天家侍燕為賓友料應雨露
又承恩貴客之名從此有
念了舞唱蝶戀花侍女持酒果上勸客
飲酒
貴客之名從此有多謝風流飛馭陪樽酒持此
一卮同勸後願花長在人長壽
舞唱了後行吹三臺舞轉換花瓶又舞

上次對客放瓶念瑞香花詩

花是瑞香初擢秀達人鼻觀通廬阜遂令聲價

滿寰區嘉客之名從此有

念了舞唱蝶戀花侍女持酒果上勸客

飲酒

嘉客之名從此有多謝風流飛馭陪樽酒持此

一卮同勸後願花長在人長壽

舞唱了後行吹三臺舞轉換花瓶又舞

上次對客放瓶念了香花詩

花是丁香花未剖青枝碧葉藏瓊玖如居翠幄
道家粧素客之名從此有
念了舞唱蝶戀花侍女持酒果上勸客
飲酒
素客之名從此有多謝風流飛馭倍樽酒持此
一危同勸後願花長在人長壽
舞唱了後行吹三臺舞轉換花瓶又舞
上以對客放瓶念春蘭花詩
花是春蘭栖遠岫竹風松露為交舊仙家釵珮

羽霓裳幽客之名從此有
念了舞唱蝶戀花侍女持酒果上勸客
飲酒
幽客之名從此有多謝風流飛馭陪樽酒持此
一危同勸後願花長在人長壽
舞唱了後行吹三臺舞轉換花瓶又舞
二次對客放瓶念薔薇詩
花是薔薇如綺繡春風滿架暉晴晝為多規刺
少拘攣野客之名從此有

念了舞唱蝶戀花侍女持酒果上勸客
野客之名從此有多謝風流飛馭陪樽酒持此
一卮同勸後願花長在人長壽舞唱了後行吹三臺舞轉換花瓶又舞
上次對客放瓶念醑醑詩到舞唱蝶戀花侍女持酒果上勸客
念了舞唱蝶戀花侍女持酒果上勸客
花是醑醑紆翠袖釀泉曾入真珠溜更無塵氣
到杯盤雅客之名從此有舞唱蝶戀花侍女持酒果上勸客

飲酒
雅客之名從此有多謝風流飛馭陪樽酒持此
一卮同勸後願花長在人長壽舞唱了後行吹三臺舞轉換花瓶又舞
上次對客放瓶念荷花詩
花是芙蓉水玉漱人間暑氣何曾受本來泥滓
不相關淨客之名從此有

念了舞唱蝶戀花侍女持酒果上勸客
飲酒

淨客之名從此有多謝風流飛馭陪樽酒持此
一危同勸後願花長在人長壽
舞唱了後行吹三臺舞轉換花瓶又舞
花是秋香偏鬱茂姮娥月裏親栽就一枝平地
合登瀛仙客之名從此有
念了舞唱蝶戀花侍女持酒果上勸客
飲酒
仙客之名從此有多謝風流飛馭陪樽酒持此

一危同勸後願花長在人長壽
舞唱了後行吹三臺舞轉換花瓶又舞

上對客放瓶念菊花詩
花是菊英真耐久長年只有臨風嗅東籬况乃
見南小壽客之名從此有

念了舞唱蝶戀花侍女持酒果上勸客

飲酒

壽客之名從此有多謝風流飛馭陪樽酒持此
一危同勸後願花長在人長壽

舞唱了後行吹三臺舞轉換花瓶又舞
上次對客放瓶念梅花詩
花是寒梅先節候調羹須待青如豆為於雪底
倍精神清客之名從此有
念了舞唱蝶戀花侍女持酒果上勸客
飲酒
清客之名從此有多謝風流飛馭陪樽酒持此
一危同勸後願花長在人長壽
舞唱了後行吹三臺舞轉換花瓶又舞

上次對客放瓶念芍藥詩

芍藥來陪羣客後矜其未至當居右奇姿獨許
侍花王近客之名從此有

念了舞唱蝶戀花侍女持酒果上勸客
飲酒

近客之名從此有多謝風流飛馭陪樽酒持此
一危同勸後願花長在人長壽
舞唱了後行吹三臺舞轉換花瓶又舞
工花裙背花對坐唱折花三疊

算仙家真巧妙能使眾芳長繡組羽翦芝葆曾
到世間誰共凡花為伍桃李謾誇豔陽百卉
又無香可取歲年年長是春何用芳菲分四
序

又唱

對芳辰成良聚珠服龍粧環燕俎我御清風來
此縱觀還須折枝歸去歸去葉珠繞頭一一
是東君為主隱、青冥怯路遠且向臺中尋伴
侶

唱了起舞後行吹折花三臺一遍舞訖
相對坐取盆中花插頭上又唱

歎塵寰烏兔走花謝花開能幾許十分春色一
半遣愁那堪飄零風雨爭似此花自然情不
待根生下土花既無凋零春又長好帶花枝頌
壽醕

又唱

是非場名利海得喪炎涼徒自苦至樂陶、唯
有醉鄉誰向此間知趣花下一杯一杯且莫

把光陰虛度八極神游長壽仙螺羸螟蟻休更
觀

唱了侍女持酒果置榻上舞相對自飲
飲訖起舞三臺一遍自念遣隊

伏以仙家日月物外風烟能令四季之奇葩會
作一筵之重客莫不香浮綺席影覆瑤階森然
羣玉之林宛在列真之府相逢今日不醉何時
敢持萬斛之流霞用介千春之眉壽歡騰絲竹
喜滿湖山觀者雖多歎未曾有更願九重萬壽

四海一家屢臻年穀之豐登永錫田廬之快樂
于時花驄嘶晚絳蠟迎宵飲散瑤池春在烏紗
帽上醉歸藥館香分白玉釵頭式因天上之芳
容流作人間之佳話尚期再集益侈遊齡歌舞
既終相將好去自念
念了後行吹三臺出隊

伏以玳席歡濃金樽真逸聽歌聲之融曳思舞

態之飄飄爰有仙童能開寶匣佩干將莫耶之
利器擅龍泉秋水之嘉名鼓三尺之熒々雲間
閃電橫七星之凜々掌上生風且到芳筵同翻
雅戲

二舞者自念

伏以五行擢秀百鍊呈功炭熾紅爐光噴星日
研新雪又氣貫虹霓斗牛間紫霧浮游波濤裏
蒼龍締合久因佩服粗習徊翔茲聞閨苑之羣
仙來會瑤池之重客輒待薄技上侑清歡未敢

自專伏候處分

竹竿子問

既有清歌妙舞何不獻呈

二舞者答

舊樂何在

竹竿子再問

一部儼然

二舞者答

再韻前來

樂部唱劍器曲破作舞一段了二舞者
同唱霜天曉角

熒：巨闕左右凝霜雪且向玉階掀舞終當有
用時節唱徹人盡說寶此剛不折內使姦雄落
膽外須遣豺狼滅

樂部唱曲子作舞劍器曲破一段 舞罷二人

分立兩道別兩人漢裝者出對坐卓上設酒果竹竿子念

伏以斷蛇大澤逐鹿中原佩赤帝之真符接蒼
姬之正統皇威既振天命有歸董勢雖盛於重

雖盛於曠度德難勝於隆準鴻門設會亞夫輸
謀徒矜起舞之雄姿厥有解紛之壯士想當時
之賈勇激烈飛颺宜後世之效顰回旋宛轉獲
驚奏技四座騰歡

樂部唱曲子舞劍器曲破一段 一人左

相舞有欲刺石漢裝者之勢又一人舞
進前翼蔽之舞罷兩舞者並退漢裝者
亦退復有兩人唐裝出對坐卓上設
筆硯紙舞者一人換婦人裝立祠上竹

竿子念

伏以雲鬢聳蒼壁霧縠罩香肌袖翻紫電以連

軒手握青蛇而的皜花影下游龍自躍錦祠上
踏鳳來儀軼態橫生瑰姿謫起傾此入神之技
誠為駭目之觀巴女心驚燕姬色沮豈唯張長
史草書大進抑亦杜工部麗句新成稱妙一時
流芳萬古宜呈雅態以洽濃歡

樂部唱曲子舞劍器曲破一段

作龍蛇

之舞之勢兩人唐裝者起二舞者

竹竿

子念

項伯有功扶帝業大娘馳譽滿文場合茲二妙

甚奇特堪使佳賓醕一觴霍如羿射九日落矯
如羣帝駭龍翔來如雷霆收震怒罷如江海凝
晴光歌舞既終相將好去

念了二舞者出隊

漁父舞

四人分作兩行迎上對筵立漁父自勾

念

鄭城中有蓬萊島不是神仙那得到萬頃澄波
舞鏡鸞千尋壘嶂環旌纛光天圓玉夜長清襯

地溼紅朝不掃賓主相逢欲盡歡昇平一曲漁
家傲

勾念了二人念詩

渺渺平湖浮碧滿奇峰回合波光暖綠簑青笠
鎮相隨細雨斜風都不管

念了齊唱漁家傲舞戴笠子

細雨斜風都不管柔藍軟綠烟隄畔鷗鷺忘機
為主伴無羈絆等閑莫許金章換

唱了後行吹漁家傲舞了念詩

喜見同陰垂匝地瓊珠簸隨風絮輕絲圓影
兩相宜好景儂家披得去

念了齊唱漁家傲舞披蓑衣

好景儂家披得去前村雪屋雲溪處一棹清歌
歸晚浦真佳趣知誰畫得歸簾素

唱了後行吹漁家傲舞了念詩

波面初驚秋葉委風來又覺船頭起瀟灑平地
盡知津濟涉還渠漁父子

念了齊唱漁家傲舞取楫鼓動

濟涉還渠漁父子生涯只在烟波裏
練靜忽然風又起
贏得底吹來別浦看桃李

碧玉粼鄰平似掌
山頭正吐米輪上
水天一色

印寒光萬斛黃金迷俯仰

念了齊唱漁家傲
將檝作搖櫓勢

黃斛黃金迷俯仰
輕舸不礙飛雙槳
光透碧霄
千萬丈真堪賞
恰如鏡裏人來往

唱了後行吹漁家傲
舞了念詩

手把紈綸浮短艇
碧潭清泚風初靜
未垂芳餌
向滄浪已見白魚翻
翠荇

念了齊唱漁家傲
取釣竿作釣魚勢

已見白魚翻翠荇
任公一擲波千頃
不是六鼈
休便領清晝
永悠颺
要在神仙境

唱了後行吹漁家傲
舞了念詩

新月半鉤堪作釣
竿直欲干雲表
魚蝦細碎
不勝多一引
修鱗吾事了

念了齊唱漁家傲
釣出魚

一引修鱗吾事了棹船歸去歌聲香門俯清灣
山更好眠到曉鳴榔艇子方雲擾

唱了後行吹漁家傲舞舞了念詩
提取頽鱗歸竹塢兒孫迎笑交相語西風滿袖
有餘清試倩霜刀供玉縷

念了齊唱漁家傲取魚在杖頭各放魚
指酒樽

試倩霜刀供玉縷銀鱗不忍登盤俎擲向清波
方圍圍休更取小槽且聽真珠兩轉

唱了後行吹漁家傲舞了念詩

明月滿船唯載酒漁家樂事時有醉鄉日月
與天長莫惜清樽長在手

念了齊唱漁家傲取酒樽斟酒對飲

莫惜清樽長在手聖朝化洽民康阜說與漁家
知得否齊稽首太平天子無疆壽

起面外稽首祝聖

唱了後行吹漁家傲舞舞了漁父自念

遣隊

湖山佳氣霽絲絲占得風光日滿門賓主相陪
歡意足卻橫烟笛過前村歌舞既終相將好去

念了後行吹漁家傲舞者兩行引退出

散

念了後行吹漁家傲舞者兩行引退出

念了後行吹漁家傲舞者兩行引退出

念了後行吹漁家傲舞者兩行引退出

念了後行吹漁家傲舞者兩行引退出

念了後行吹漁家傲舞者兩行引退出

念了後行吹漁家傲舞者兩行引退出

念了後行吹漁家傲舞者兩行引退出

鄖峯真隱漫錄卷之四十七

詞曲

望海潮 叔父知縣度宅并章服

烟籠香徑霞舒花砌東君繡出芳辰蝶羽弄晴

鶯聲轉巧照二舞態歌肩綸制出嚴宸錫曜春

品服榮曳緋銀向此華塗要路顏色倍精神

珠簾碧甍方新有蘭堂快目水榭通津玉笋醮

清金料藹翠輪蹄盡集簪紳偕老指雙椿望武

林咫尺同上青雲異日重為此會應羨鳳池人

二 汪漕慶壽

烟濃柳徑霞蒸花砌春深持地芳辰蝶侶闌狂
鶯雛弄巧雍容舞袖歌唇西園集簪紳正桂薰
蘭玉天壽松椿競捧瑤觥漱灑來祝縱懷人
當年較侍嚴宸有星輅問俗熊軾臨民康阜政
成蕃宣治美歸休燕處申申行慶紫泥新起鈞
璜國老東海之濱屈指重開此宴應已拜平津

三 慶八十

熊羆嘉夢風雲亨會磻溪應卜之年黃菊萃吳

丹萸釀醖安排預賞芳筵環珮擁神仙向璇題
玉宇金縷紅鮮最好花裊展處雙鳳舞翩
人人競摩香牋燦珠璣溢目祝頌無邊彭祖一
分莊椿十倍千秋未足多言日馭且停鞭把燕
閒歡樂分付壺天笑享親朋歲、春酒慶團圓
感皇恩 叔父慶宅并章服代作

健卒走紅塵芝封飛到金縷斜、印三道舞鸞
翔鳳猶帶御爐烟裊萬衣新象笏銀章好 對
此况當鶯花繚繞畫棟翠、映蓬長綉簾初卷

共指松椿偕老皓歌拚爛醉金樽倒

二 收燈後會老

風雨攬元宵收燈方了溪院紅蓮尚圍繞德星
同聚更有祥光臨照始知真洞府春長好 應
是化工偏憐衰老賸把青藜作榮耀正須沉醉
拚却玉山頻倒寄聲更漏子休催曉

滿庭芳 叔父慶宅并章服代作

烘錦花堤鋪錦柳巷曉來膏雨初晴畫堂初建
碧沼映朱楹最好芙蓉綉縵交輝敞孔雀金屏

那堪更華裾滿座和氣動歡聲 水清真美行

棠陰善政槐市高名今朝消受得萬版光榮况
是齊眉並壽誰云道樂事難并相將見飛鳧過

闌除目下彤庭

二 立春詞時方獄空

愛日輕融陰雲初斂一番雪意闌珊柳搖金縷
梅綻玉腮寒知是東皇翠葆飛星漢來止人間
開新宴笙歌逗曉和氣滿塵寰 風光偏舜水
賢侯政美棠蔭多歡更園扉草鞠木索長閒休

向今朝惜醉紅粧映羣玉顏山行將見宜春帖
子清夜寫金鑿三次韵姚令威雪消
微霰疎飄驕雲輕簇短梁黯淡籠紗冷禁蘭帳
清曉忽飛花已是平蕪步濶那堪更折竹如蓑
憑欄處關心一葉歸興渺無涯休嗟為瑞少
適從狼子來自龍沙賴吾皇神武薄海為家盡
掃腥風殺氣依然放紅日光華回頭看山溪水
塢編帶不隨車

四 四明尊老會勸鄉大夫酒

鯨海波澄棠陰日永正且坐嘯雍容歲豐民樂
無訟到庭中試數循良自古龔黃外誰可追蹤
那堪更思均耆壽良會此宵同璇宇占瑞處
熒煌五馬璀璨羣公咸笙歌羅綺共引髯翁祇
恐芝泥趣召雙旌展獵、飛紅須知道君王渴
見名人在屏風

五 勸鄉老眾賓酒

十載江湖一朝簪組寵榮曷稱衰容聖恩不許

歸卧舊廬中慨念東山伴侶烟霞外久聞高蹤
今何宰相逢故里談笑一樽同 吾州真幸會
湖邊賀監海上黃公勝渭川遺老絳縣仙翁縱
飲何辭爛醉臉霞轉一笑生紅從今後婆婆化
國千歲樂皇風

六代鄉大夫振勸

油幕初開醉旄前道暫歸梓里春容致身槐揆
功在禹彛中自是襟懷絕俗今猶記鉛槧陳蹤
張高會君恩厚賜樂與故人同 把麾鄆水上

相看青眼誰復如公况親陪樽俎笑接羣翁座
上笑歌屢合頰拚到曉日酣紅公今去恩波回
海桃李盡東風

七代鄉老眾賓勸酒

玉關朝回沙隄烟曉碧幢先動軍容虎符熊軾
行指七閩中假道吾鄉我里揮金事思躡前蹤
傾懷處螢窓雪案猶說昔年同 相看俱老大
襟期道義不為王公念克時聚戲今已成翁敢
借玉壺美酒還為壽金醖醜紅仍頻祝中書二

紀寰海振淳風

八代鄉老衆賓勸卿大夫

復擁旌麾重歌襦袴滿城長是春容播紳耆舊
歡溢笑談中盡道邦君愷悌逍遙湖海遐蹤
今朝會公真樂易屈意與人同車殷勤東道主
揮金漢傳懷綬朱公引羣仙環拱欲壽吾翁春
甕初澄益綠春衫更輕染香紅持杯願歸登絳
闕花萼醉春風

九雪

鶴冷風亭鴻迷烟渚曉來雪意填空釀成嘉瑞
瑞為兆年豐况有神媧妙手調和得雲彩皆同
樓臺上鋪瓊綴玉隨步廣寒宮天公開地軸
八紘混一莫辨提封又須數歸禽狡獸沉蹤坐
見花敷萬木誰知道春已輸二三杯酒西湖父
老相與話時雍

慶清朝 梅花

翠竹莖疎碧溪流淺綺牕為爾時開依稀遠岸
纔見一點寒梅冷定半疑是雪因風還度暗香

來乘清興瘦策過橋黃帽青鞵
後似怨人知晚淚灑水腮慙勤百遠留連踏遍
莓苔报道玉人睡覺菱花初試曉粧臺携婦去
粉頰端人比並輕槿

慕山溪

次韵見貝守柔幽居即事

清談無限林下達人少騎馬踏紅塵恁區區何
時是了名場利海畢竟白頭翁山簇翠水拖藍
只箇生涯好君侯灑落卜築開冰沼三徑直
危樓徧巖隈幽花香草風勾月引餘事作詩人

詞歌雪氣凌雲寒瘦羞郊良

青玉案

生日

玉姪曾向瑤池舞輕擲霓裳忤王母從此烟霄
飛鶴馭一來人世有緣相遇得得為鴛侶
年此際霞觴舉揆彩筆香牋染新句休餌靈砂
奔月去齊眉不老直須携手同工清冥路

二 用賀方回韵

湧金斜轉青雲路也逐紛紛玉塵去春色勾牽
知幾度月簾風恍有人應在唾線餘香處
年

來不夢巫山暮但苦憶江南斷腸句一笑忽
何爾許客情無奈夜闌歸趣寂花階雨

三為戴昌言歌姬作

年來減却風情大百樣收心待不做恰恨山翁
停盡舸雪中把酒美人頻為淺破櫻桃穎清
歌許誰陽春和悄不放送空片雲過鷺落梁塵
渾可可一聲轉處故園春近桃李還知麼

西江月 即席贈官伎得找字

紅蓼千隄挺葉蒼梧一葉辭柯夜闌清露寫銀

河洗出芙蓉半朵 解珮初開粉面遠梁還聽
珠歌心期端的在秋波想得今宵只我

喜遷鶯 叔父生日

朱旂鳳闕恰弄罷五絃南薰敲竹雨糝桃蹊錢
浮荷沼一瞬染成新綠曾待玉皇香案偶爾雀
飛江國對此際喜丹霄效瑞非烟郁郁卜築
陶山曲風榭月臺圖畫應難足綠綺春濃青蛇
星爛肯便穩棲烟麓玳筵稱壽清歌皓齒霏
珠玉競展指看芝封紫檢鳴騶入谷

二 癸酉歲元宵與紹興守曾景游

征鴻同北正雪洗燒痕千巖勻綠魚縱新漪梅
繁斷岸春到鑑湖一曲滿目綉簾珠幌暖嚮聒
天絲竹漸向晚放芙蓉千頃交輝華燭 賢牧
棠陰靜康阜政成褒詔來黃屋玉筍光寒紫荷
香潤人道此裝須趣且緩催花銀漏忘飲寶甌
醺醺向明歲看傳柑歸去腰橫金粟

三

收燈後會客

纔過元夕念燕賞未闌歡娛無極且莫收燈仍

休止酒留取鳳笙龍笛金馬玉堂學士當此同
開華席最堪愛是蘭膏光在金缸連壁 難覓
交歡處杯吸百川雅量皆勅敵老子衰遲居然
懷感厚意怎生酬得况已倦游客路一志歸安
泉石但屈指願諸賢袞綉聯飛鵬翼

四 立春

譙門殘月正畫角曉寒梅花吹徹瑞日烘雲和
風解凍青帝乍臨東闕暖嚮土牛簫鼓夾路珠
簾高揭最好是看綵幡金勝釵頭雙結 奇絕

開宴處珠履玳簪俎豆爭羅列舞袖翩翩歌聲
縹緲壓倒柳腰鶯舌勸我膺時納祐還把金爐
香爇願歲、這一卮春酒長陪佳節

五 守歲

雪消春淺聽爆竹送窮椒花待旦繫馬合簪鳴
珂列炬幾處玳筵開宴介我百千眉壽齊捧玉
壺金盞最奇絕是小桃新拆爭妍粉面女伴
頻告語守歲通宵莫放笙歌散酒暈朝霞寒欺
重翠却憶鳳屏香煖笑拂滿身花影搖指珠簾

深院待到了道一聲穩睡明年相見

六 回明洞天

凭高寓目愛吃起回牕雲南雲北縹緲烟霞蕭
森松竹多少洞天巖谷著向十洲三島入海何
妨登陸要知處在皇家新賜西湖一曲林麓
真勝槩樊榭鹿亭百卉生幽馥綠綺和融青蛇
燦爛隔斷世間塵俗笑呼羨門壽侶時引寶觴
醺醪醉和醒但南山之壽難忘勤祝

點絳脣

我為勞生自憐浪跡天涯遍如今春換又是旅
萍斷誰信年時老子情非淺思量見盡樓天
遠花倚斜陽院

二

千里歡謔使君美政高三輔沛天蕭鼓笑擁仙
車去卧轍攀轅謾擬雙旌住還知否禁林深
處已闢金閨路

三

翠幄園林火雲方綫南薰起玉輪天際夜色涼

如水况有清歌勸我樽浮蟻拚沉醉萬花叢
裏一枕朦朧睡

四

曾到蟾宮玉輪乞得長隨手數聲輕叩已自鏘
瓊玖最好清歌渾不驚秋候歌闌後那回辭
酒笑把遞檀口

木蘭花慢

有序

知明州王侍郎生日

伏審帝承羅圖天開人傑乃祖乃父忠勞又
篤於王家維熊維羆吉夢是生於男子彩綉

朝陽之鸞鷲光騰天上之麒麟豈惟相闕之
莫抑亦聖朝之瑞椒花柏葉王正初過於三
朝鳳蠟星球燈夕匪送於十日懿茲感旦宜
溫歡聲恭惟某官昂宿儲神長庚孕瑞五百
年之名世王國克生八十歲而為春帝心簡
在縣甘泉之法從作鄞水之民師暫離玉立
之班聊踐人生之貴公平政教攬回六邑之
陽和灑落文章改觀十洲之風月葦其陰德
獲是遐齡紫府茂萬福之祺黑頭佇三公之

拜其一屢受地干指戴天雖居原憲之貧實
感文翁之化式逢慶誕輒獻邑飲寄調於未
蘭花有歡於金蕉葉仰祈青矚少見丹表干
冒台嚴不任愧汗

喜陽和應律啟佳氣滿寰瀛正雪洗疎梅雲浮
淡月昨夜生明熊羆信占吉夢有當年相闕再
蟠英收拾仙風道韻葦蕪一點台星功名壯
歲逢真玉紫橐耀西清向玉筍光中瑤林宴裏
來擁雙旌青瑣君家舊物看長參崴鬢樂昇平

春醕休辭介壽鶴書已播彤庭

臨江仙

宰執得旨移庖後會報勸

袞綉蟬聯三重客朝回曉日曛
曉綠楊門卷擁花驄喜承天上語
來作主人公况值瑤林風
露爽水輪碾上晴空桂香和影墮
金鍾莫辭通夕醉明日是秋中

二 嬾人寫字

檻竹敲風初破睡楚臺夢雨精神背
屏斜映小腰身山明雙剪水香滿一
釵雲爐裊金絲簾

宰地綺牕秋靜無塵半鈎春筍帶湘筠
蘭亭初寫就愁殺衛夫人

三 倚坐

繡幕羅裙風弄象林蓮幄低垂獸爐香裊錦
屏圍不貪歌鈿枕偏愛倚花枝軟玉紅綃輕
暖透温人翠袖扶持正快安穩坐移時雨雲忘
峽夢身境是瑤池

鷓鴣天

李予永見贈佳園走筆次韻

畫角梅花曲未終霜嚴飛落五更風
誰知林外

鷄三唱推出紅輪海上峯
官一品祿千鍾
此時分付荷重腫
更教賜予雲南境
絕勝湖邊九里松

二次韵陸務觀賀東歸

我本飄然出岫雲
挂冠歸去岸綸中
但教名利休羈頓
心地何時不是春
竹葉芙蓉花新百
杯且聽遠梁塵
故鄉父老應相賀
林下於今見一人

三 祝壽

孔雀雙飛敞畫屏
錦花茵上舞娉婷
紅綃袖煖琉璃滑
金鴨爐香椒桂馨
丹臉渥香眉青平
坐陰德卜遐齡
如今便好添龜鶴
元是南箕一壽星

四 送試

曉日曛曛花露稀
明光已振敬金扉
三千彩仗翔鸞舞
數百銀袍振鷺飛
開雉扇正垂衣
奏篇初得上彤墀
臚傳遠殿天顏喜
先折東風第一枝

蝶戀花 扇鼓

桂影團團光正滿更似菱花齊把刁嬌面非鏡
非蟾君細看元來却是吳姬扇一曲陽春猶
未徧驚落梁塵不數鴛喉轉好著紅綃籠玉腕
輕敲引入笙歌院

寶鼎現

昔姑蘇士人繫圖元夕以詞求
免守一見破械延之上坐至今樂
府多博之惜其止叙藩方宴游之感而
不及皇都真隱居士用韵以補其遺

霞霄丹闕瑞靄佳氣青葱如綺纒半月東君雨
露無限韶華生寶砌漸向晚放燭龍掀舞周匝

紅蕖紺蘂况對峙鬢峯鼎鑪不隔蓬萊弱水

聖主借樂昇平意引芝華雙輦凝翠紛萬族歌

謠絃管殺混鶯吟喧鳳吹更滿承正冰輪掩映

光接塵衢萬里似移下一天星斗粧點都城表

裏清輝登樓簇練仗錦襦絲履看柑傳萬顆

恩泱王公近侍酒沾鑄宴千官醉競捧瑤觴起

願歲、今宵慶賞春滿山河百二

最高樓

鄉老十八人皆年八十淳熙丁酉三
月作慶勸酒

當年尚父一個便興周今十倍更何憂冲融道

貌丹為臉扶疎漆髮黑盈頭世方知非能老聚
吾州 有智畧可從茲日用有志願可從茲日
酬天賦予怎教休瓊漿且共飛千斛蟠桃應得
見三偷諒吾皇恢復後盡封侯

明月逐人來

壽某翁

莫嫌春淺寒威俱歛陽和至此時方見木君敷
令把雪霜掃斷要集德星勝伴 為有仙翁正
爾名喧蕃漢眉壽比矚彭更遠兼資勲業已中
雙鵬箭清步槐庭影滿

踏莎行

鄭開府出示諸公所賦琵琶詞即席次韻

歌古鶯嬌舞腰蜂細華堂是處皆願指四絃獨
擅席中春移船出塞聲能繼 慢撚幽情輕擺
柔思其中有口傳心事玉人燈火下樓時偏渠
領畧溪之意

生查子

即席次韻陸務觀

雙夜較畫鼓催一水銀蟾滿見奪錦標回却倚花
披看 已學冷金牋更釀玻璃碗歸去詫鄉閩
不負平生眼

江城子

片帆初落南勾東碧湖空滿汀風回首一川銀
浪颭孤蓬且架兩橈烟雨裏凭曲檻浥空濛
閑移拄杖上晴峯莫忽上伴冥鴻笑指家山巔
葉藕花中脚力倦時呼小艇歸棹穩月矐矐

浪淘沙令

祝壽

祝壽祝壽筵開錦繡拈起香來玉也似手拈起
盞來金也似酒祝壽祝壽命比乾坤久長壽
長壽松椿自此碧森森底茂烏兔從他汨轉

底走長壽長壽

瑞鶴仙

元日朝回

霽光春未曉擁絳燭攢星霜蹄輕裏皇居聳雲
杪霽祥烟瑞氣青蔥繚繞金門羽葆聽臚唱千
官並到慶三朝雉扇開時拜舞仰瞻天表榮
耀萬方圖籍回喬明玉寶睇珍寶椒盤頌好稱
壽筭祝難老更傳宣錫坐鈞天妙樂聲過行雲
縹緲逗歸來酒暈生霞湛恩怎報

水龍吟

翠空縹緲虛無算唯海上蓬瀛好瓊瑤宮闌藥
珠臺榭玲瓏繚繞弱水沉冥瑞雲遮隔幾人曾
到四明中自有神仙洞府烟霞裏知多少堪
笑當年狂客愛休官何須入道婆婆綠髮垂肩
著甚黃冠烏帽花底金船月邊玉局儘能遲老
待丹成九轉飄然駕鶴却游三島

二湖山勝槩金沙醱醱同架

平湖渺々烟波是中只許神仙住人間空愛天
桃繁李雪飛紅雨誰信壺天靚粧玉貌春光容

與似佳人才子青冥步穩同携手成歡聚老
子時來燕賞擁笙歌留連樽俎烏紗壓倒香雲
篆編知他幾度多謝東君肯教滿架長情相處
更須拚痛飲年年此際作芳菲生

永遇樂

洞天

鄴有壺天景傳圖畫聲著海縣四面攢峯皆七
十二各在窻中見祥雲擁蔽飛泉繚繞咫尺似
天涯遠如今向仙家覓得挈來十洲東畔虛
無縹緲蓬萊方丈所喜只居隔岸羽憶垂珠瓊

車織翠長是陪嘉賓宴射狼遠跡風波不作日
月御輪頰緩且銜杯稱賢樂聖度茲歲晚

迎仙客

洞天

瑞雲繞四牕好何須隔水尋蓬島日常曉春不
老玉葉樓臺果是無塵到沒智巧沒華妙箇
中只喜風波少清樽倒來顏笑回首行人猶在
長安道

南浦

洞天

一箭舜絃風向曉來輕寒初振麥秀蝶股歇股

歌花鬢韶光老鶯聲倦聞呼友池塘綠暗數竿
粉節天然瘦對茲美景愛清歌妙曲千鍾芳酒
誰知別是壺中繚畫閣朱欄烟谷雲岫三島
十洲東青霄上神工幻成嚴竇瑤臺閣苑翠旌
羽葆頻相就世凡洗漸教烏兔從今遲一飛走

夜合花

三島烟霞十洲風月回明古號仙鄉紫紵雉堞
中涵一片湖光遠岸異卉奇芳跨虹橋隱映垂
楊玉樓珠閣水簾捲起無限紅粧龍舟兩兩

飛揚見標翻綉織歌雜笙簧清樽滿泛休辭飲
到斜陽直須盡燦熒煌况夜深不阻城隍且拚
沉醉歸途便教徹曉何妨

人月圓 元宵

夕陽影裏東風軟驕馬趁香車看花粧鏡藏春
繡幕百萬人家 夜闌歸去星繁絳蠟珠翠鮮
華筵歌不散疎鐘隱 月在梅梢
驕雲不向天邊聚密雪自飛空佳人纖手霎時

二 咏圓子

時造化珠走盤中 六街燈市爭圓闌小玉盤
頻供香浮蘭麝寒消齒頰粉臉生紅

粉蝶兒 元宵

一箭和風穠薰許多春意開城兒滿城都是向
深閨爭剪碎吳綾蜀綺點粧成分明是粉鬢香
翅 玉容似花全勝故園桃李最相宜鬢雲秋
水怎教他却去與莊周同睡願年年伴星球爛
遊燈市

二 詠圓子

玉屑輕盈蛟綃雲時鋪遍看仙娥騎世神變吐
嗟間如撒下真珠一串火方然湯初滾盡浮鍋
面歌樓酒壚今宵任伊索喚那佳人怎生得
見更添糖拚折本供他幾梳浪兒門得成全這
些方便

教池回 蕤渡

雲淡天低疎雨乍霽桃溪嫩綠蒙茸珠簾映畫
靛金勒耀花驄遠湖上羅綺溢香風擊波嗷引
蛟龍尋奇處高標錦段各騁英雄
縹緲初登

綵舫簫鼓沸羣仙玉佩了東夕陽依拚一飲斤
鍾看、兜壁月穿林杪十洲三島春容醉歸去
雙旌摇曳夾路金籠

如夢令 醉醺金沙同架

小院春風不老鵲波霓裳縹緲雪臉間朱顏各
自一般輕妙忒掉忒掉真箇一雙兩好

洞仙歌 茉莉花

瓊肌太白淺著鶯黃罩金縷檀心更天巧算同
時雖有似火紅榴爭比得伊家淡粧輕妙與

來清賞處無限真香可惜生教生閨嶠這消息
縱使移向蒸沉終不似凭欄披襟一笑若歸去
長安詫標客單道勝酴醾水仙風貌

醉蓬萊 擬人賀生日

紀今辰高會屈指三朝便逢重九珠履瑤簪聚
一天星斗菊蕊含芳桂花籠豔有奇姿爭秀袞
綉堂中蓬壺影裏異香噴獸 况是清朝太平
真主治享雍熙眷深耆舊恩錫兼金遣星輅東
走咫尺威光下拜歸美願我皇眉壽自此重裁

謝綫千紙年年回奏

聲聲慢 喜雪錫宴

風收浙瀝霧隱森羅羣山萬玉差我禁街車馬
銀杯縞帶相過胥濤晚來息怒練光浮都不揚
波最好處是漁翁歸去鼓棹披蓑 况是東堂
錫宴龍墀驟韶瑞宣勸金荷慶此嘉瑞明歲泰
稔應多天家預知混一把瓊瑤鋪徧山河這醺
飲罄華戎同醉泰和

秋葉香 生日

玉露瀼瀼。秋容似畫。東堂燕席初開。紅萸沉壽
學紫菊上。照臺倚欄。見新雁已南來。落霞孤鶩
徘徊。最佳處。重陽將近。涼滿襟懷。蕭灑秀眉
華髮。丹臉映雙瞳的皪。如孩學香牋。將麗句新
裁。瑤池上。三紀蟠桃熟。玉纖時捧瓊杯。但願得
年年此會。花滿蓬萊。蘇東坡詩。蘇東坡詩。蘇東坡詩。
漁家傲留別孫表材 萬里征鴻。送君千里。行色
春恨不禁。聽杜宇。買舟忽覓東鄆路。一笑輕帆
同野渡。頻回顧。莫山越。岫俱眉嫵。何事忽々

分袂去。夫君小隱臨烟渚。明夜月華來竹塢。相
思處。還應夢屬清江櫓。

鄮峯真隱漫錄卷第四十七終

鄮峯真隱漫錄卷第四十八

詞曲

花心動 競渡

遲日輕陰雨初收
花枝濕紅猶滴玉
鏗綉鞵纔得新晴
柳岸往來如織畫
樓幾處珠簾捲風光
徧神仙瑤席萃佳景
分明管領一陂澄碧
忽見波濤噴激蒼烟際
雙龍起為初敵挂檝撥雲
鼉鼓轟雷競奪錦標千尺
忘時綵艦虹橋畔
春容引寶觥霞液與濃處
笙歌又還竟夕

水龍吟

次韻彌大梅詞

雪中蓓蕾嫣然美人莫恨春容少化工消息只
須些子陽和便了文杏徒繁牡丹雖貴敢誇妍
妙看冰肌玉骨詩家護道銀蟾瑩白駒皎樓
上角聲催曉是東皇絲綸新草青旂蒼輅欲臨
東闕遣伊先到排斥風霜掃除氛霧直教闌早
算功高調鳥不如竹外一枝斜好

瑞鶴仙

是花堪愛惜謝天教花信添花顏色花紅襯花

碧燦朝陽花露鮫珠頻滴花光的皜映花下裊
百尺趁花時手撚花枝能嗅此花消息常惹
一番花褪失了花容怎生尋覓花神效力將花
貌儘留得更移花並植仙家玉圃不許花陰過
隙向花前長把蕉花為花主席

喜遷鶯

清明

三春正美是霽景融和韶華如綺夾岸香紅依
牆粉白開編故園桃李盡舸繡簾高捲錦轂朱
軒低倚對此際向池臺好處爭傾綠蟻醉裏

須醒悟些子芳菲造物謾你一瞬光陰霎時蜂
蝶還付花落流水我有大丹九轉真箇長春不
死待得了把高歌清賞隨緣而已

菩薩蠻 清明

提壺謾欲尋芳去桃紅柳綠年二事唯有列仙
翁清明本在躬何須從外討皮裏陽和好堪
羨箇中人無時不是春

南浦 四月八日

天氣正清和慶西乾釋迦如來出世毓質向金

盆祥雲布層霄九龍噴水東傳震旦正今此日
人人託露盤百卉擁金容香湯爭來拂洗誰
知這箇同緣化衆生今求塵埃脫離一點本昭
昭當須向茲時便知瞥地何煩費手自然作箇
惺惺底若猶人悟且管令師僧八分十二

青玉案

入梅用賀方回韻

銀濤漸溢江南路汎短棹輕帆去破塊跳珠知
幾度竹牕新粉癘池香碧應在雲深處蕭蕭
鶴髮雖云暮曾得神仙悟真句久視長生親見

語離愁掃盡更無慵困怕甚黃梅雨

花心動

端午

槐夏陰濃筍成竿紅榴正堪攀折鳥歌碎金瓊
角黍堆金又賞一年佳節寶觥交勸殷勤處把
玉腕綵絲雙結最好是龍舟競奪錦標方徹
此意憑誰向說紛兩岸游人強生區別勝負既
分些箇悲歡過眼盡歸休歇到頭都是強陽氣
初不悟本無生滅見破底何須更求指訣

卜算子

端午

符籙玉搔頭
變虎青綠鬢
一曲清歌倒酒
蓮尚
有香蒲暈

角簾碧沙厨
揮扇消煩悶
唯有先生心地
涼不
怕支曦近

永遇樂

夏至

日永繡工減料
一線節臨短
至幸有杯盤隨
且
燕飲樂得醺醺
醉尋思塵世寒
來暑往凍極又
還熱熾恰如箇
脾家瘡疾比著
畧長些子
人
生百歲一年一
發且是不通醫
治兩鬢青絲皆

伊染就今已星、地除非妒內龍盤虎繞養得
大丹神水却從他陰陽自變卦分泰否

鵲橋仙 七夕

金烏玉兔時當幾望只是光明相與天孫河鼓
事應同又豈比人間男女 精神契合風雲交
際不在一宵歡聚乘槎曾得問星津為我說因
緣如此

瑞鶴仙 七夕

霽天風露好乍暑退郊涼生秋早銀潢烟雲杪

擁香車鵲翅凌波初到清歌縹緲凭危閣新蟾
吐曜酒盈樽疎繅綉合拜舞統分天巧 堪笑
世間癡絕不識人中拙是珍寶多愁易老都緣
是不聞道騁些兒機智遭他驅使畢竟辛勤到
了又何如百事無能是非較少

念奴嬌 中秋

碧天似水看嫦娥摩出一輪寒璧桂魄扶疎光
照耀塵界都成銀色萬象森羅羞明卷彩黯沒
唯今夕風高枝重井梧濕翠時滴 誰信鶴髮

娉娉鄮峯真隱對影為三益
席繞龍蟠丹就後
一顆清輝的皦不養銀蟾
不闕玉兔到處無虧
三千行滿也能飛上璇極

芟荷香

中秋

過橫塘見紅粧翠蓋柄柄擎香月娥有意暮靄
收盡銀河潢一輪高掛且放同千里清光秋中
氣爽天京露凝玉臂風拂雲裳老子通宵不
思睡把青樽小酌仍更思量自家活計幸有無
限珍藏大千世界靜極後普現十方圓明不損

毫芒精神會處獨坐胡牀

清平樂

李潛生日

池臺北霧縹緲雙溪路家在江南佳麗處看取
謝公風度蟠桃酒醞千秋金蕉欲上遲留笑
待錦花裯上雙鸞舞徹梁州

二 同前

翠蛾雪柳鬢影春風透燈火千門輝綺綉移下
一天星斗賸拚連夜歡遊金波欲上遲留且
看香梅影底雙鸞舞徹梁州

三 遊石頭城

石頭席踞驕虜何能渡曾是六朝雄勝處瑞遶
碧江露雲路 當時羈國多賢風流只解遺鞭
便好揚舡北伐舉頭即允長安

四 樞密叔父生日

萬花如繡淑景薰晴畫一曲齊稱千歲壽歡擁
兩行紅袖 當年西府橫翔急流穩上仙鄉笑
閱蟠溪日月行看尚父鷹揚

五 待宰執勸趙丞相酒

槐庭元老回海真師表曲為故人敦久要陋巷
不嫌時到 虛堂已入涼颼一觥為壽何辭看
即闕河恢復千秋永輔淳熙

六 勸王樞使

當年桂籍同展摩雲翼位冠洪樞情似昔肯共
一樽瑤席 經綸素韞胸中籌惟小試成功已
珍黃池小醜行收沙漠膚公

七 勸陳參政

吾皇睿哲廷有真三傑同向清時揚茂烈掩迹

皋陶夔契 聯鑪忽訪小樊涼
生花底清樽太史明朝日
奏台星皆聚柴門

八待使相勸酒

南陽賓友道舊須樽酒
一曲為公千歲壽絃索
春風織手 忠謀黼黻明昌
吳詞錦繡肝腸帝所感
推頭收人間尤重班揚

朝中措

雪

凍雲著地靜無風
藪、陸遙空無限人間險穢
一時為爾包容 凭高試望
樓臺改觀山徑迷

蹤唯有碧江千里依然不往流東

七娘子

重陽

東籬壽菊金猶淺對南山把酒開新宴
絳闌叢霄玉書丹篆坐間俱是神仙伴
童顏綠髮何曾變喜嬰兒姘女交相戀
寄語詩翁采萸重看明年此會人人健

惜黃花

重陽

秋光將老黃花開早
灑露清攢萬疊金錢猶小
蓼偏碧雲鬢壓到烏紗帽
更把來玉觴同酌

過口添爐禹朱顏愈少壯道骨長仙風養成靈
寶今日去登高謾說龍山好情不如自家蓬島

浣溪沙

翠梳銀鬢下紫清內家聞說慶嘉平柳條萱草
眼偏明小閣數杯成醖酌醒來不愛珮環聲
為道幽夢到蓬瀛

臨江仙

除夜

臘月正當三十夜幾人到此惺惺一輪明月本
圓明朗然無罣礙何用問前程况有長生真

秘訣歲華雖換休驚但將歌酒樂昇平塵緣如
未了明日賀新正

感皇恩

除夜

結柳送窮文驅儻嚇鬼爆火薰天謾兒戲自家
爐鼎又却冷清清地臘月三十日如何避且
與做些神仙活計鉛汞抽添結靈水跳圓日月
一任東生西妾玉顏長向此迎新歲

滿庭芳

立春

梅萼冰融柳絲金淺緒風還振初春木君青旆

獵、下蒼旻親奉虛皇妙旨將枯朽咸與維新
須臾見芳郊樂園生氣徧無垠青絲行白玉
一杯介壽紅浪鄰、便安排歌舞蝶披鶯唇別
有神仙宸宅乾坤內充滿氤氲功成處花開不
老熟鎮甘醇

撲蝴蝶

勸酒

光陰轉指百歲知能幾兒時童稚老來將老矣
就中些子彊壯又被浮名牽繫良辰盡成輕棄
此何理若有惺、活底必解自為計清樽在

手且須拚爛醉、鄉不涉風波地睡到花陰正
午笙歌又還催起

蝶恋花

勸酒

玉甕新醅醜綠蟻滴、真珠便有香浮鼻欲把
盈樽成雅會更須尋箇無愁地况是賞心多
樂事美景良辰又復來相值料得天家深有意
教人長壽花前醉

臨江仙

勸酒

自古聖賢皆寂寞祇教飲者留名萬花叢裏酒

如渥池臺仍舊貫歌管有新聲
欲識醉鄉真樂地全勝
方丈蓬瀛是非榮辱不關情
百杯須痛飲一枕拚春醒

粉蝶兒

勸酒

一盞陽和分明至珍無價
解教人囉哩囉把
胸中些磊塊一時豁化
悟從前恁箇口總成虛
假何妨竟夕交酬
玉觴金竿更休辭
醉眠花下待明朝
紅日上三竿
方罷引笙歌擁珠璣
笑扶歸馬

瑞鶴仙

勸酒

瑞烟籠綉幕正玳席言歡
觥籌交錯高情動寥
廓恣清談雄辯珠璣
頻落鏘妙樂且贏取昇
平快樂又何辭
醉玉顏山是處有人扶著
追念搏風微利盡解浮名
久成離索
翰忠素約沒村具
謾擔擱悵良辰美景
花前月下宜把春遊
蹉却到如今對酒當歌
怎休頷畧

永遇樂

桃李繁華芟荷清淨
景物相繼霜後橙黃雪中

梅綻迤邐春還至尋思天氣寒暄涼燠各有一
時樂地如何被浮名牽後此歡遂成拋棄如
今醒也扁舟短棹更有藍輿胡倚到處為家山
有社酒野老為賓侶三杯之後吳歌楚舞忘却
曳金穿履雖逢箇清朝貴客共來一醉

青玉案

勸酒

閑忙兩字無多子嘆舉世皆由此逐利爭名忙
者事塵中得喪仕中寵辱無限非和是誰人
解識閒中趣雪月烟雲自能致世態只如風過

耳三杯兩盞眼朦朧地長向花前醉

滿庭芳

遊湖

和靖重湖知章一曲浙江左右為鄰綉霧綠
只許日尋春正好厭一夜飲都寂靜沒箇遊人
夫何故歡闌與阻只為隔城闌堪嘉唯甬水
回環雉堞中峙三神更樓臺繚岸花柳迷津不
惜頻添畫燭更深看舞上鞦韆拚沉醉從他
嗟金距振凌晨

二 希金

柴作疎籬茅編小屋遠堤苦竹黃蘆老翁蝸處
却自樂清虛理釣何妨釣直居琴又不管絃無
逍遙處都捐世慮忘我亦忘渠 雨餘添美景
眉橫山無臉媚花腴笑凡間粉黛濃抹輕塗客
至三杯薄酒欲眠後一枕蘧 起來見龜翻鶴
舞却似壽星圖

臨江仙

戲綠堂五石名曰瑞雪彌大作詞
因用其韵

曾向泗濱浮玉質也看十二峯前飛來薜髮尚
如卷郁紛因出岫巧鏤是誰鑄 挈榼凭欄成

勝賞老夫亦自頽然坐疑靄 上瑤天已為蘇
早雨却放老龍眠

好事近

梅花

欵枕不成眠得句十分清絕一夜酸風閣雨醞
江天飛雪 曉來的皜看枝頭老蚌剖明月帝
所待調金鼎莫教人輕折

二

次韵彌大梅花

對竹簾吟牋正是賞梅時節便把這些清致作
東湖三絕 帝家金鼎待調羹何似且休折却

愛玉樓清弄褪霏、香雪

念奴嬌

次韵商集史秋香

銀潢耿々正露零
仙掌塵空天幕碧玉扶疎攢
萬朵滿稱水村山郭巧
醞檀莫密包金粟只待
清秋著三春桃李自應來在高閣
好是月窟
竒標東堂幽韻不管西風惡
獨立芳庭回首笑
白華丹楓索索折向冰壺莫教紗帽醉裏輕簪
却濃豕長在却疑身到雲空

二

所親雪中得一婢名念奴

枝頭蓓蕾褪紅綃微露江南春色多
謝東風吹
半朵來入騷人瑤席粉臉輕紅芳心羞吐
別有
真消息粧臺簾捲壽陽着意留得
好是雪滿
羣山玉纖頻撫汎清波文鷁溪院相逢人盡道
標格都從天錫夢蝶徒勞霜禽休妬
爭奈伊憐
惜高樓誰倚寄言休弄橫笛

三

次韵樓友觀潮

錢塘江上展鮫綃初見長天一色風拭菱花光
照眼誰許紅塵輕積轉盼馮夷奔雲起電兩岸

驚濤拍振空搖地水龍爭噴吟笛客有步屨
江干胸吞奇觀寄英詞元白素壁淋浪翻醉墨
飄灑神仙蹤跡好待波勻橫飛小艇快引香簫
碧烟銷月出不眠拚了通晉

白苧

次韻真書記梅花

臘天寒曉風勁幽香頻吐精神綽約誰羨姑射
若霞向江南探春獨步恨無侶微語又誰管有
雪勢霜威埋姑且圖少陵東閣作詩刻苦更擬
煩玉纖輕扣寧相許惜取欄杆遍倚月沒黃

昏水邊淺不放紅塵染污似名手丹青罷施湘
素不隨豔卉媚韶光一瞬飄蕩無據祇恐金門
寶鼎方調時口來覩便把枝頭巨顆朝天去

浣溪沙

即席次韻王正之覓遷哥鞋

一扼鉤兒能幾何弓彎珠蹙杏紅羅即時分惠
謝奴哥香壓幽蘭尚淺樣窺初月月仍多
祇堪掌上泛瓊波

二

夜飲誅足即席

珠履三千巧闢妍就中弓窄只遲遲惱伊刻職

轉堪憐 舞罷有香留
綉褥步餘無跡在
金蓮
好隨雲南楚峯前

三

濕翠湖山收晚烟
月華如練水如天
興來催上釣魚船
青籜一樽汀草畔
霜筠數曲渚花邊
更於何處覓神

回

梁武慙癡達摩
默箇中消息豈容猜
九年面壁口慵開
隻履却尋歸路去
一花元不是君栽

這回枉了一遭來

五

索得玄珠也是歎
人人有分莫胡猜
項門一眼鎮長開
路斷玉關無轍跡
雪埋葱嶺沒根栽
只稱達摩不曾來

六

勝槩朱楹俯碧湖
蕭蕭風月一塵無
只緣綠蟻滿樽浮
況是小春天正爽
杖藜相與探梅初
半斂枝上未成珠

遠岫數堆蒼玉髻平湖千頃琉璃筵歌催我上
船時 載月有如浮寶檻採蓮還復擁胭脂更
於何處覓瑤池

武陵春

戴昌言家姪供春盤

報道東皇初拜節芳思滿凌晨爭看釵頭綵勝
新金字寫宜春 四座行盤堆白玉纖手自和
勻恰似蟾宮妙麗人將月出浮雲

千秋歲

戴天夫婦慶八十

吾鄉我里偕老真無比燕席展歡聲起藥官仙
子繞玉砌萊衣戲稱賀慶眉心繞指朱書字
憶昔西周呂年紀雖相似獨自箇誰為侶如今
雙鳳老堪引同螺醉彭祖壽十分方一從頭紀

新荷葉

真隱先生家居近在東湖茅屋三椽自有一種
清虛林來釀酒便無後也醉睡沾只愁客至不
能拚此芳壺 且樂天真醉鄉無限歡娛時倚
花枝困來着枕遽七回觀昨夢徒然使心勒形

曜始知今日得閑却是良圖

醉蓬萊 勸酒

喜泉通碧甃林刈黃雲釀芳酎瑞靄凝香更陽
和鐘秀曉甕寒光夜槽清嚮聽頌珠頻溜畫錦
堂深聚星筵啓一觥為壽 况此神仙藥官傳
侶玉殿吳游盡皆親舊贏得開懷對良辰握手
醉席淋漓慙笑語任滴殘更漏綉幕春風輕
絲美韻明朝還又

瑤臺第一層

寥廓澄明人正在瑤臺第一層瑞靄深處藥官
掩映金碧觚稜異花非世種靄賸靄紫霧飛騰
有仙駕過吾廬環堵少駐雲軒 俄驚重壺疊
嗽頰然瀟灑俗塵清珮聲裏寶觥激灑舞態娉
婷祝言千歲壽仍更予五福川增返蓬瀛問今
朝茲會昔日誰曾

如夢令 飲婦人酒後同

摘索衣裳宮樣生得臉兒福相容止成精神一
似觀音形像歸向歸向見者擎拳合掌

二
粉臉霞生一縷掩映綠雲秋水言語更雍容具
足十分嬌美無比無比要
比除非鏡裏

三
紅杏白梨肌理特樣新粧
沒綺真箇似觀音少
箇楊枝淨水歡喜歡喜盡此一鍾醇美

四
羅襪半鈎新月更把鳳鞋珠結步
著金蓮行
得輕、滑、難說難說真是世間奇絕

五
試把珠簾低捲宛見梅粧粉面緣遠更紅圍齊
捧瑤卮來勸堪羨堪羨此是神仙闈苑

六
一笑樽前相語莫遣良辰虛度飲興正濃時免
盃聊分春露留任留任催鞦韆後筵歌舞

南歌子 熟水

藻澗蟾光動松風嬾眼鳴濃薰沈麝入金餅瀉
出温仁一盞滌煩膺
沒繼雲龍餅香無芝朮

名主人襟韻有餘清不向今宵忘了沒交情

畫堂春

茶詞

小槽春釀壓香紅良辰飛蓋相從主人著意在
金鍾茗椀作先容欲到醉鄉深處應須仗兩
腋清風猷酬高與渺無窮歸騎莫思

鄮峯真隱漫錄卷第四十八終

鄮峯真隱漫錄卷第四十九

童州須知

予起身寒微頗安儉素非官至未嘗陳豆觴
退處率多暇日間口占數語以訓兒孫使知
事君事親修身行己之要錄之幾百篇目曰
童州須知不敢示作者姑藏於象欲其易曉
故俚鄙不文然比之嘲風弄月則有間矣留
心義方者有取於斯焉淳熙辛丑下浣真隱
居士書於清涼境界

君臣篇

渾沌判天地高卑未相親三才欲通貫中間須
有人人最靈於物民至愚而神天地寄聰明動
靜必相因飽食無用心矣矣禽獸均逸君苟不
教焉能叙彝倫天地憫此類是故立君臣君以
聖居上發政先施仁臣以賢作輔法度期持循
聖賢通際會利澤漸無垠君或肆酷虐百姓皆
顰呻君或用怨忠四海熙如春臣或進諂諛頗
僻正路堙臣或善諫諍君子之道伸所以委質

者恭敬日恂、權倖不敢附賄賂不足珍窮達
自有命焉可毀天真挺然秉中正予以奉咨詢
言必稱堯舜孟氏醇乎醇從容引當道納誨每
諄亡君如語好貨公劉道可遵君行有積裏王
業肇於幽君如語好色太王愛妃嫔當時無怨
曠後效應駟麟見牛未見羊王政此問津今樂
猶古樂、在同乎民卒令歸正道何必批逆鱗
奉上愛主心曾莫懈昏晨謀猷入以吉歸美法
君臣陳善則君所有過思已自新况乃有幾事

不吝則失身但能持此戒何愧古臣鄰漢唐德
既衰風俗愈不淳上下懷猜貳相視如越秦上
固好自用下亦非同寅克員苟爵位責效茂涓
塵朝居廊廟上暮不齒簪紳嗚呼君臣間何以
如參辰恭惟我清朝一德格穹旻起喜歌聲洽
恩澤率土溟

父子篇

太易本空、空中有太極太極判二儀萬物斯
生植天地為父母萬物為子息人居萬物羣最

曰具靈識兩家各生子匪媒其可得禮合成夫
婦相其孕矣特方當妊媿初疾嘔不納食妻既
日呻吟夫亦日憂惻辛勤彌十月存亡未可測
暨及震夙時痛楚千萬億稍或失調護淪胥在
頃刻幸爾見嬰兒歡喜動顏色乳哺更携持幾
年先用力母實鍾愛憐父亦思誨飭資稟尚凡
庸視之如岐嶷驕慢不率教巧計為藏匿一語
或中理誇揚其肯默葆養覲成人庶幾供子職
提孩知愛親此情何可抑冬溫而夏清未足酬

其德奇定而晨省未足酬其德三牲滋美味未
足酬其德回序紉華衣未足酬其德竭身至老
死未足酬其德碎身如糜粉未足酬其德男仕
女有行豈常在親側悠然父母心相望長相憶
問訊與饋遺來往當如織口體所供奉無問一
錢直親苟未沾嘗享之寧敢即其有不安節歸
省恨不亟母分嫡與繼存心何間或雖或不我
愛其敢忘翼口王祥躍水魚薛包慈門闕馭車
騫思寒耕田舜引慝於此見堅至行青史斯刊

勒切勿使偏親索處萱堂北富貴未解憂天倫
乃物則不應中道廢夫性甘狂惑嗚呼霄壤間
孰有無親國女子遠外家間隙成荆棘男子聽
父言偏愛滋貨殖禮容故背違言辭苦凌逼於
義參商於物或吝嗇劬勞保抱恩慈不存悃悞
親老力已衰欲就如何克欲泣更包羞頰寬滿
胸臆父子情既離萬世恩之賊上帝實監臨天
禍陰誅殛世事每好還子孫必克悛嗟哉乎內
人身處禮義域忍將君子行輕以私意蝕受報

方知改咄叱嗟空陟生徒伍禽獸死則墮鬼域
一念能回光悖逆頓可熄吾言雖鄙俚萬古為
矜式

夫婦篇

天地生萬物陰陽相配偶兩家因媒灼是以為
夫婦男貴有器識不問財薄厚女貴有賢行不
問色妍醜二者既相值家肥得長久二者儻不
然舉動多掣肘夫無婦承順何以事父母婦無
夫應援何以事姑舅外或專放蕩薄游醜樽酒

內或資悍厲爭競恣紛糾儻信牝雞晨長舌肆
讒口離間骨肉親敗亂廉潔守居官鮮德操居
家夫孝友漸潰不覺知頓使初心負故須礪剛
方循常善誘使其良心生悔恨能自咎若也
縱沉迷一切俱聽受冥然在世間禽獸而牝牡
堂上六尺軀方足俱圓首聰明不下人何乃畏
仇偶子孫則象之餘殃貽厥後吾言誠伐病宜
以銘座右

長幼篇

父母有男女兄良必弟悌天性所稟賦初不煩
法制如何中道間閥成背戾蓋由結婚姻異
姓以女妻之不閑教訓夫不恤苗裔怨隙由愛
惜紛爭為財計浸潤日已久同惡遂相濟昆季
若仇敵長幼絕交際孤然離索身何以異狗彘
當思父母心喜得賢子孫繼為彼慵懦兒清蔭
均映蔽如何我自賢子不念同蒂宜罄友于情
墳荒彰夙契推心更及遠落地皆魯衛祥覽何
人哉高風馳萬世俚言雖不文將以助棠棣

朋友篇

先生德澤深士民皆修睦琢磨貴取友為學不
應獨樂善忘君臣嚴光蹴帝腹人君尚擇交况
乃為臣僕仕宦同恩榮序同誦讀萍蓬偶避
迨里閑頻追逐握手出肺腑勤渠叙寒燠一旦
臨利害孳然遂反目朱博先著鞭索居歎蕭育
不見管夷吾全交有鮑叔蘇章太不情恩離在
隔宿不見庾公斯孺子生可卜嗟哉世間人雲
雨徒翻覆得喪自有天人豈能禍福險心懷五

兵壽命多短促君子坦蕩，為之歌伐木

祭祀篇

文王御家邦風化必自邇采繁夫人職專言奉
祭祀洪惟祖先心貴得賢後嗣匪取一時孝觀
其能事死蓋自平生來功行動積累防範不敢
違貽厥作基址子孫洎有室情不知此理燕飲
恣歡譁口腹縱奢靡霜降雨露濡愴怵所履
故其臨祭時倦色或跛倚酣歌或笑呼憤怒或
筮捶不恤祭如在天似不得已祖先必吐之豈

復錫繁祉我勸世間人於此莫輕視春秋祭享
嚴齋戒先恭已憂思動哀慕虔謹具芳美時物
堪荐新當如奉甘旨餽飭手自供焉可使奴婢
掃除鬪穢雜滌濯去塵滓馨香出釜甌滋味登
簠簋勿為貧故約勿為富故侈豐儉或有常不
可變其軌以此奉吾先神靈必歡喜縣，百世
後餘慶何能弭

舅姑篇

女子年既笄出適乃從夫從夫始曰婦將以事

舅姑舅姑生男女鼓舞更忻愉稟受胞胎成身
體洎髮膚玩之如美玉寶之如明珠覲其能立
身孝養勤朝晡豈知壯有室卻使失歡娛婦既
恣狠戾夫亦與之俱翁媪有憎惡導夫起嗟吁
叔妹有異胞俾夫肆欺誑及其享富貴卻云夫
自圖珍異私帑積貲產別籍拘不念翁與媪生
爾夫之軀不念叔與妹爾夫當友于動輒離間
豈不負心乎天殃或人禍捨爾其誰誅我有為
婦法爾其聰而字凡事舅姑禮與事親無殊唯

當輔君子相勉以相須之省問安否溫清視衣
襦俎豆奉燕樂几杖供持扶出因侍坐席入則
臨庖厨親意或欲與承命惟所需不作會元養
問乃有曰無親意所愛敬率行不敢渝當以內
則篇終身為範模其有疾病時憂惶問醫巫不
眠衣帶敝不食形容枯槁餅必自試寧敢離須
史以至復初後吾身方得蘇其有貧困時回塵
立家徒夫既曰負米不憚涉崎嶇婦亦憫其勞
推食盈盤盃盃質貧如已盡素手居窮途每務寬

慈抱何嘗使向隅此其所以養粗糲成甘腴親
怒我勿怨親肥我獨懼忘饑日反哺豈不見慈
烏親既感爾孝祝爾多英雛他日爾有婦復與
爾同符因知婦行孝乃自立根株出爾反乎爾
曾不差錙銖當時奉翁嫗後效收桑榆時或不
可失作詩勸踟躕

叔妹篇

婦欲事舅姑先當和叔妹不我和舅姑生怨懟
伯叔貴以義宗恩胡可廢晨昏同問安致敬歛

身退語笑不妄發正色絕冶態夜行必以燭相
遇無盼睐女妹貴親暱唯當盡恩愛拋却混衣
裳糝奩同粉黛威儀俾閑習紉縫勤教誨其間
有過差識性須忍耐伯叔各生子嬉戲魚同隊
切勿分彼已愛猶我兒輩姊妹或歸寧親戚無
阻礙童稚既撫存僕妾亦下逮彼於父母前豈
不知欣戴遂使高堂言吾子得賢配推此厚族
黨睦淵周外內心期在陰德施惠每韜晦喪葬
之資財男女未婚對稱家之有無彼必懷感佩

歲時饋壺漿燕享盍簪藹富與貴賤待之宜
一槩猗歟行此行婦德無瑕類萬口併一談可
貽彤管載

婦如篇

兄弟各授室擇婦資內助是為叔伯似異姓始
相聚習氣或冰炭安可一塗取故當專和柔順
適無違拒彼有嫉妒心作意相狎侮惟知以善
誘不異魚相與彼有狠戾心凌轅猛如虎惟知
以理遣如剛宜勿吐奴媵工讒譖間謀多簧鼓

嬰孩羣戲弄叫號負冤苦恩怨霎時間信之誠
無補見境勿動懷表吾中有王子姪無分別一
意思存無不見北平王貓尚能相乳財物通有
無寒溫均帛縷不見柳河東數世同門戶今人
有女兒不教以規矩唯與婢妾羣曾不師保姆
一旦入夫門驕橫不足數長言為厲階北雞晨
風雨夫既無剛腸聞言遂旁午兄弟若仇讎有
面不相覩異爨或索居分財或析土同胞謂慈
親同氣謂嚴父一旦因汝來各使失依怙我故

作是詩為世開矇瞽

臧獲篇

人生貴適意安佚固有以寬平足使令臧獲皆
率俾婢實居深閨奴當立階所內外儻致嚴家
法斯盡理怡勢以作威招權自豈已奴或有是
人刑罰不可弛含怨恣狠傲妬寵專負恃婢或
有是人斥逐其可已處衆能包容見得思廉耻
守分每知足愛主常歸美忠謹輩行服和柔內
外喜為之有家室周旋表終始其或小瑕疵過

誤非姦兇第當明戒飭勿遽施鞭捶其或肆讒
間作慝生荆杞第當親骨肉不可黨奴婢骨肉
長聚頭奴婢安可擬凡百御下人讀此味其旨

鄮峯真隱漫錄卷第四十九終

鄒峯真隱漫錄卷第四十六

人出言通意文似或有不見乎是使令或或
平得評實者味則故當不增於內味
法所書理按亦以作或按按自宜已收或有是
身察爾必致天下知以有咄不以齟齬和其旨
聞非意注降亦常當辨音固不有黨以辨音
籍非茲天常當即辨辨必盡流辨對其流轉發

鄒峯真隱漫錄卷第五十

童州須知

敬天篇

古者明良會君臣必敬天小心常翼已終日自
乾乾雷電彰威怒星辰遠變遷凌兢懷寅畏上
帝始垂憐

傳道篇

帝王學有源執中以道傳塞路排楊墨迓親鄙
釋老大學吾所行中庸吾所保直下肯承當後

人斯有考

修德篇

生身天地間所貴在修德衆善既奉行諸惡當
屏息美利世同霑陰功人不識冥心契上天享
祐無紀極

恤民篇

主聖臣賢日殷勤在恤民差徭唯務息賦斂直
須均但使人皆富何憂上却貧益公仁義說不
取利吾身

惜刑篇

堯舜雍熙治成功在措刑哀矜行法令歛恤愛
生靈若使殺無罪寧教夫不經于公尚陰德何
况是朝廷

聲樂篇

樂聲表至和在乎民共樂百姓或怨咨八音徒
振作朝歌商紂擒煖嚮秦嬰縛四海得歡心全
勝聽絃索

忠恕篇

君子行忠恕報恩不報仇恩者人善意一飯亦
當酬仇者被迷誤事過何足元持之久不倦其
心乃休休

疏財篇

人生責疏財富厚誠多事愚同益其過賢亦損
其志指廩憫人窮揮金侈上賜萬古播清名誰
云能敗類

見道篇

凡人在世間不曉乘除理非義或得財捫心未

可喜慕祿却蕭條子孫仍委靡更有禍隨身陰
譴何時已

習尚篇

習尚從何來影響由先世好禮必溫恭收書乃
文藝初心境不衰後學必難制古人約其身所
以裕苗裔

宮室八篇

茅茨不剪階三尺自古唐虞是聖人萬落阿房
歌舞地只消一炬化為塵

大禹卑宮自一身能令四海叙彝倫雕牆峻宇
垂丕訓更有遺風暨後人
相國當年葺未央欲將壯麗奉高皇誰知後裔
求增廣萬戶千門起建章
椽題數尺聳高堂得志吾人正未遑若有賢名
并德行茅茨之下亦風光
廣廈須增千萬間普令寒士盡歡顏少陵自處
知何所依小茅簷鷺往還
數間破屋洛城中却有高明振古風寄語紛

營宅者安居寧不愧盧仝
結廬休與梓人評此輩唯知侈棟楹身在他方
歸未得歸來却始悔高明
乞身閒退本何圖賜第依然處帝都振德未忘
三捷奏祈天且辦一熏鑪

輿馬八篇

吾皇多暇只觀書田獵游盤一事無北伐日行
三十里何曾異域市名駒
為國光須班馬政蓄儲專以備兵戎近來貴室

豪家子金勒雕鞍縱侈風
文帝卻回千里馬項王獨愛一名騅烏江不渡
騅難逝細柳徐行馬不馳
車如流水馬如龍從此諸郎不得封無限外家
多敗類獨餘馬氏著謙恭
韜車乘馬君王賜不賞邊功即予賢外物何須
勤覲望惟於事業每加鞭
婦人自處只聞房車馬寧須侈鬧裝莫與他人
爭富貴後來儉素足輝光

少時常是出無輿徒步徐行亦當車近日堪嗟
隨俗變便無人舉也騎驢
衰殘無似一臞儒聖主恩容帝里居每到傳宣
陪燕侍東華門裏賜肩輿

張設八篇

簾帷聊欲障堂皇有德何須錦繡光西漢孝文
真誼主殿中只集上書囊
晉帝當時自不君卻將步障助驕臣石崇不為
綠珠死天譴窮奢故隕身

嗜慾煎熬豈有窮羅屏繡幕韞香風更添錦綺
為華飾不念寒家四壁空
蝸涎苔蘚不能除覓得碑文當壁衣富貴一朝
還自恣儘將錦綉繚牆圍
庶人屋壁施文綉賈誼言之太息時不獨庶人
須禁止有官君子亦當知
惟幕時聞奉此身當知流轉會成塵隨緣且用
遮空壁莫較數陳舊與新
絹帛鮮華由染工紅花紫草遂收功若教明眼

人叅破始信浮生色是空
平時敗壁舊泥空蘆席將來謾禦風不是君恩
令仕進何因滿眼掛青紅

衾褥八篇

錦綬綾羅不足貪無過紫紺與紅藍仁宗一味
黃紬被萬古傳揚作美談
貴家獸炭擁紅爐衾褥重綺繡鋪當念蓬窓
寒女手一針一縷用工夫

自古賢人起細微王章涕泣卧牛衣若還遇主

居幽燠勿忘當時處布韋
貧家何事苦勞心終歲經營一布衾男女夫妻
同蓋覆依然冰冷過更深
女子生來享富華安知門外有寒家風嚴雪滿
多殭死只為無錢買苧麻
被衣不要大溫然腠理開舒易感寒譬似簷隈
生草木不禁霜雪硬彫殘
我生自幼識艱難枕席雖溫敢自安不得衾裯
無限數普令天下不憂寒

夢幻浮華有此身青氈已舊不須新不百年撒
手成歸計多少衣衾屬別人

玩好八篇

聖主中局日湛然白珩不重只尊賢更於老氏
求三寶慈儉每為天下先
異物叢珍品最高此心不可動纖毫西戎慕義
陳方物太保猶先作旅葵
德產精微徧海隅誰知寸寶可止虞果聞晉國
成功後垂棘還同合浦珠

六國精兵輦運來，粧成舞殿與歌臺。
金瓊珠磬今何在，但見阿房滿地灰。
文帝勤勞養慶源，力行恭儉為元元。
後王猶聽奸臣奏，獨為青醜伐大宛。
內家嗜好沒無嘗，天下方知仰聖明。
唐帝居無愧若水，南方黜首怨鴛鴦。
人鬼幽明兩不關，人生只畏鬼為姦。
欲知古器從何得，盡出邱陵冢墓間。
穀粟桑麻不可無，賸求珍玩欲何如。
道人家具

唯清淨不用巾箱巧貯儲

衣服八篇

曹覃專美后妃賢，浣濯衣裳是所先。
若使身無恭儉德，金珠銷繪謾新鮮。
巧把真珠縷作襦，爭奇開好畫工夫。
漢文海內多絲帛，只為夫人或地無。
織者何人衣者誰，越溪寒女漢官妃。
莫道無青史，馬后先傳大練衣。
人君風化匪虛文，舉動常令天下聞。
唐帝官中

三浣濯未知晉武雖裝焚
桑柔春爾未登盆催稅公文已在門一口無辜
繫囚獄全家號泣動鄉村
官中催稅急如絃納上還須陪費錢若有訛疎
并糊藥忍看棒血滿庭鮮
干梭札未成端織了先須納縣官請得卻資泥
泥上用不知機上忍飢寒
蠟屐平生能幾兩衣裘初足莫貪多愚哉富室
千箱積回祿穿窬汝奈何

酒醴八篇

歡欣歌飲皆從久樂極悲哀自此生不見古人
成禮處主賓百拜只三行
越至投醪仇可振商家沈酗自相攻的知此物
難多飲只為邦家作禮容
為子為臣孝與忠夫妻和睦弟恭兄如何卻致
莫倫數只為貪他酒味釀
平日恂之號古人三杯纔飲亂天真精神憤
和癡夢贏得時病在身

酒可忘憂更養神
直須少飲始為真
君看阮籍劉伶輩
終為沈酣喪此身
女子親傍禮法拘
合移孝道事翁姑
若還徑醉鮮儀則
亦自無心相厭夫
君家姆教未曾成
纔及笄年便有行
中饋既然光醕酌
兒孫婢僕盡縱橫
休說私醕越得錢
官場警捕致憂煎
雖刀未必成家計
家計因茲卻蕩然

膳羞八篇

聖主勤二欲措刑
何嘗贖武愛與兵
四方罷貢傷生物
愈見仁息決有情
設牧端罔饗鬼神
大意亦為養賢人
掄才祈福緣何事
只為蒼生不為身
滄沓麥飯出忽忽
禁齋天厨未必豐
若使平安能念此
銅羹土燭古人同
嗟見時人大侈生
八珍同聚一杯羹
若知過口成汙穢
何用留心事割烹
物固相勝還相咬
弱者多為強者烹
勿謂天教

充食類斯人豈為虎狼生
二膳朝飽即休何須嗜殺苦營求魚鱉蠃蛤
皆微細數百方能滿一甌
飛潛蠕動盡貪生就死無辜或駭鳴只可為親
甘旨具自家口腹莫頻烹
戒殺當知有數端聞聲見死敢加餐居家自作
專因我雖美還應下筋難古語曰見殺則不食
聞殺則不食家所自
殺則不食專為
我殺則不食
梳粧八篇

隨且首飾莫留情珠翠雖多未是榮不見益光
居儉約荆釵卻立萬年名
南蕃有鳥翠歲誕千百為羣自在飛負痛啣冤
無罪死將來貴室縷冠衣
貴家所好若無偏翠羽真珠不直錢簪珥一求
難得貨窮山深海盡騷然
生靈膏血是緡錢買得珍珠顆
圓痛惜鮫人在深海風潮沉溺幾多船
北珠天產在我蕃不定還看走玉盤鉅萬費錢

收拾得到頭終不救飢寒
綉草鋪茸玉作冠
四時花樣幾千般
當思蓬首寒臆女
終歲無油兩鬢乾
倡優早賤起淫風
塗澤唯知時地濃
珍重賢門貞潔女
不施粉來自雍容
常須默坐悟前因
因為愛鉛華墮女身
若也於斯能改悔
來生定免落風塵

稻梁八篇

后稷星光燦混儀
天教墮地作農師
牛羊腓字

寒冰煖自有神明默護持

方冊嘗觀無逸書
更於七月誦幽詩
周公愛主

真深切稼穡艱難
先使知

能述先王播殖功
伯禽之後有僖公
故雖收養

駘駘成務惜吾農
不起戎

文帝年：下墾書
惟憂農畝不豐餘
匈奴慢侮

吾甘忍所喜千倉飽
貯儲

武帝征誅不厭頻
太倉無復有陳：末年戶口

多虛耗邵始封侯
欲富民

古者四民今六民為添釋老不耕耘三農重困
皆因此况有張願百萬軍
勿嫌糠粃勿嫌陳當念農家種苦辛輸得逋植
盈廩詹却歸耕隴作飢民
代耕有祿及嬰孩飲啄當知所自來若也食焉
無息事庶於振國有涓埃

鄭峯真隱漫錄卷第五十終



